

INUIT ATAQATIGIIT

INATSISARTUNI



UKA 2013/70
15. oktober 2013
Harald Bianco

Maani nunami ilinniartitsisunngorniartarnerup qaffasissusaa nunani killerni ilinniartitsisunngorniartarnerup qaffasissusaanut assersuunneqarsinnaanersoq paasi-niarlugu Naalackersuisut misissueqqullugit Naalackersuisut peqquneqarnissaan-nik Inatsisartut aalajangiiffigisassaattut siunnersuut. Misissuinermut ilanngune-qassapput ullumikkumut naleqqiullugu ilinniartitsisunngortarnerup qanoq pitsaa-nerulersinnaaneranut innersuussutit.

(Inatsisartunut ilaasortaq Andreas Uldum, Demokraatit)

Siullermik oqaatigisariaqarpoq siunnersuummi angujumaneqartut, meeqqat atuarfiat pillugu peqqussummeereermata. Uani apeqqutaaginnarpoq anguniagassat anguniarnerannut iliut-sit atorneqartut pitsaasuunersut. Tassami naluneqanngilaq atuarfimmiit atuarfimmu- ingerlatsinerit angusallu assigiinngissinnaasarmata. Taamaattumik Inuit Ataqatigiinnit isumaqar-pugut, meeqqat atuarfianni susasaqartut tamarmik ilaatigut; Kommunit Kattuffiat, kommu-nit, IMAK, Inerisaavik, atuarfiit minnerunngitsumillu angajoqqaat piorsaanissamut suleqati-giinnerat suli annertunerusumik siuarsarneqartariaqartut.

Ullutsinni ilinniartitsisunngorniartarnek Iisimatusarfiup ataani aaqjissuussaavoq. Imaappoq, ilinniarneq naammassineqartarpoq bachelorprojekt-iliornikkut, soorunami tassanngaaniit ingerlaqqittoqarsinnaaluni.

Oqaatigisariaqarpoq ilisimatusaatitut iliniaganngorneraniit piffissaq sivisunngimmat, taa-maakkaluartoq Inuit Ataqatigiinnit qularinngilluinnarparput, angusassap qaffasissusaa piu-masaqaatini pitsaanerpaaffimmiitineqartartoq.

2009-mi ukiakkut Inatsisartuni ataatsimiinnermi Demokratinit siunnerssuutigineqarnikuu-voq, ilisimatusarfimmi ilisimatusarnerit qaffasissusaat nunarsuatta sinneranut nallersuun-nersut ilisimasaqarfiginiarlugit naalackersuinikkut naliliisartussanik pilersitsinissaq. Taama-nikkut siunnerssuutip itigartitsissutiginnissaa aamma Inuit Ataqatigiinnit innersuutiginikuu-arput, aammalumi tamanna pivoq.

Taamani siunnersuummut akuersinissamut innersuussinnginnitsinnut pissutigivarput, Iisi-matusarfik nammineq aaqjissuussinermigut ilisimatusaatit qaffasissusaannik nunarsuatta sinneranut nallersuuttumik naliliisartussanik Iisimatusarfik nammineq pilersitsiniarmat. Ta-mannalumi aamma kinguninngua pivoq, tassa maanna Iisimatusarfik nammineq, ilaatigut nunarsuatta sinneraniit peqataaffigineqartumik (inuttaliiner-mut) naliliisartunik peqarpoq. Uani erseqqissarneqassaaq, naliliisartut ilaatigut suliassarimmassuk nunatsinni Iisimatu-sarfitsinni ilisimatusarnerup nunarsuatta sinneranut nallersuunnersoq.

Siorna ukiakkut Inatsisartut ataatsimiinitta nalaani Iisimatusarfik pulaarparput, tassani ape-rinitsigut paasivarput naliliisartut ingerlalluurtut, ilisimatusarnerillu nunarsuatta sinneranut nallersuulluurtuusut.

Inuit Ataqatigiinnit isumaqarpugut nalilersuisartoqareemat, taakkulu immineq sulisussaam-
mata akisussaaaffik taakkunanit pigineqareersoq. Isumaqarpugullu toqqaannartumik (Inat-
sisartutiguunngikkaluaq) naliliisartut pioreersut pissutsinik paasiniaaffigineqarsinnaassasut.
Taakku sulinerat ataqisariaqarmat, taamaattumik siunnersuut Inuit Ataqatigiinnit ilaler-
nartinngilarput.